



NEGERI BRUNEI

E 9 TAHUN 1983.

UNDANG2 LAUT WILAYAH NEGERI BRUNEI, 1982

Beta bersetuju,



**DULI YANG MAHA MULIA PADUKA SERI
BAGINDA SULTAN DAN YANG DI-PERTUAN.**

10-2-83

*Satu Undang2 untok mengishtiharkan sempadan2 laut
wilayah Negeri Brunei.*

[]

ADA-LAH DI-PERBUAT oleh Duli Yang Maha Mulia Paduka Seri Baginda Sultan dan Yang Di-Pertuan dengan nasehat dan persetujuan Majlis Mashuarat Negeri saperti yang berikut :—

UNDANG2 LAUT WILAYAH NEGERI BRUNEI, 1982

1. Undang2 ini boleh di-gelar sebagai Undang2 Laut Wilayah Negeri Brunei, 1982. Gelaran.

2. (1) Ada-lah dengan ini di-ishtiharkan bahawa lebar-nya laut wilayah Negeri Brunei ia-lah dua belas batu pelayaran. Lebar-nya laut wilayah negeri.

(2) Ukoran lebar-nya itu hendak-lah di-sukat menurut undang2 antarabangsa.

3. (1) Seberapa chepat yang mungkin atau selepas itu dari masa ka-semasa yang Baginda mungkin memikirkan perlu Duli Yang Maha Mulia Paduka Seri Baginda Sultan dan Yang Di-Pertuan akan menyebabkan supaya diterbitkan peta berukuran besar (large scale map) yang menunjukkan tanda2 ayer surut, garis2 pangkal, sempadan2 sebelah luar serta kawasan2 laut wilayah Negeri Brunei. Penerbitan peta.

(2) Salinan peta sedemikian hendak-lah di-siarkan dalam *Warta Kerajaan* bagi ma'aluman ramai.

4. (1) Dalam mana2 perbicharaan di-hadapan mana2 mahkamah di-Brunei jika soal berbangkit tentang sama ada sesuatu perbuatan telah di-lakukan atau tidak di-lakukan di-dalam atau di-luar laut wilayah Negeri Brunei, suatu surat akuan yang menyatakan demikian yang dikatakan telah di-tandatangani oleh atau bagi pehak Menteri Besar hendak-lah di-terima sebagai bukti keterangan dan ada-lah menjadi bukti pada zahir-nya (prima facie proof) mengenai hal2 yang di-nyatakan di-dalam-nya. Bukti keterangan.

(2) Apa jua sebutan mengenai laut wilayah Negeri Brunei di-dalam sebarang undang2 bertulis hendak-lah di-tafsirkan terta'alok kepada syarat2 Undang2 ini.

Di-luluskan pada 8 haribulan Disember, 1982.

DATO PADUKA HAJI JUDIN HAJI ASAR
Jurutulis,
Majlis Mashuarat Negeri,
Brunei.